

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 4

**Gibag-o Adlaw-adlaw
aron Isul-ob ug Ipahimugso ang Usang Bag-ong Tawo**

Basahong Kasulatan: Efe. 2:10, 15; 4:22-24

- I. Ang tuyo sa Dios sa paglalang Niya sa tawo pagpakabaton mag hiniusang tawo nga magpadayag ug magrepresentar Niya—Gen. 1:26; Efe. 2:15:**
- A. Gilalang sa Dios ang tawo sa kaugalingon Niyang dagway aron magpadayag Niya ug gihatagan ang tawo sa Iyang pagbulot-an aron morepresentar Niya kini sa pagbatok sa Iyang kaaway—Gen. 1:26.
 - B. Ang iglesia nga bag-ong tawo sa bag-ong kabuhatan dunay dagway sa Dios aron magpadayag Niya ug makig-away sa kaaway sa Dios alang sa Iyang gingharian—Col. 3:10-11; Efe. 2:15; 4:24; 6:10.
 - C. Ang nabahin ug nagkatibulaag diha sa daang tawo gipahiuli diha sa bag-ong tawo—Gen. 11:5-9; Buh. 2:5-13; Col. 3:10-11.
- II. Ang bag-ong tawo nga balak, ang obra maestra, sa Dios gilalang pinaagi sa kamatayon ni Cristo ug diha sa Iyang pagkabanhaw—Efe. 2:10, 15-16; Juan 16:20-22**
- A. Magtagad gyod ta pag-ayo sa duha ka pamulong sa Efeso 2:15: *diha sa Iyang unod ug diha Niya:*
 - 1. “Diha sa Iyang unod” gitapos ni Cristo ang tanang negatibong butang sa uniberso: si Satanas, nga yawa, ang kaaway sa Dios (Heb. 2:14); ang sala (Rom. 8:3; Juan 1:29); ang unod sa hulog nga tawo (Gal. 5:24); ang kalibotan, ang cosmos, ang daotang sistema ni Satanas (Juan 12:31); ang daang kabuhatan, nga girepresentahan sa daang tawo (Rom. 6:6); ug ang nakapabulag nga kabalaoran sa kasugoan (Efe. 2:15).
 - 2. “Diha Niya” nga ginsakpan, elemento, ug pagkamao, gilalang ni Cristo ang mga Judio ug mga Gentil nga usang bag-ong tawo.
 - 3. Dili lang Magbubuhat si Cristo sa usang bag-ong tawo, sa iglesia; Siya sab ang ginsakpan nga gilalangan sa bag-ong tawo ug ang elemento ug pagkamao nga gigamit sa paglalang niini.
 - 4. Si Cristo gyod ang elemento ug pagkamao sa usang bag-ong tawo, nga nagpausa sa diosnong kinaiya sa Dios sa tawo—itandi sa Col. 3:10-11.
 - 5. Sa paglalang sa bag-ong tawo, una, gilansang ni Cristo sa krus ang atong natural nga tawo, unya pinaagi sa pagwala sa daang tawo, gipaambit ni Cristo ang diosnong elemento kanato, nga naghimo natong obra maestra sa buhat sa Dios, ang balak sa Dios, nga bug-os gyong bag-ong butang sa uniberso, bag-ong imbento sa Dios—Rom. 6:6; 2 Cor. 5:17.
 - B. Ang Griyegong pulong sa *obra maestra* mao ang *poiema*, nga nagpasabot og “butang nga sinulat o tinagik nga balak”; dili ang balaknong sinulat ray maisip nga balak, kondili ang bisan unsang buhat sa arte sab nga makapadayag sa kaalam ug laraw sa magbubuhat.

- C. Kita, ang iglesia, ang obra maestra sa buhat sa Dios, balak nga nagpadayag sa walay kinutobang kaalam ug diosnong laraw sa Dios; maalamong pagpasundayag sa Dios sa tanang pagkamao ni Cristo ang iglesia—Efe. 3:10-11.
- D. Kon gamiton nato ang atong espiritu sa paghukas sa daang tawo ug pagsul-ob sa bag-ong tawo, mapuno ta sa Dios nga atong “hilabihang kalipay” (Sal. 43:4a); dunay upat ka ang-ang sa kalipay diha sa Biblia:
 1. Dunay kalipay sa kaluwasan—51:12; 16:11; Isa. 12:2-6; Luc. 15:7, 10, 23-24; Rom. 5:10, 17; 10:12-13.
 2. Dunay kalipay sa iglesia—Sal. 42:4; 43:4; 48:1-3; 95:1-2; 100:1-2; 146:1-2; 150:1-6.
 3. Dunay kalipay sa Lawas—2 Cor. 1:24; 7:13; 8:2; Fil. 2:2; 1 Thes. 2:19-20; Jud. 24.
 4. Dunay kalipay sa usang bag-ong tawo—Efe. 2:14-16; 4:20-24; Col. 3:10-11; 2 Cor. 5:17; Bug. 5:8-10.

III. Ang tumong sa pahiuli sa Ginoo pagpahimugso man sa usang bag-ong tawo; usa ra ang persona ning usang bag-ong tawo, ug kining personaha mao si Ginoong Jesus—Efe. 2:15; 4:22-24; Col. 3:10-11:

- A. Ang gibuhat sa Ginoo ug ang kamulong gibuhat Niya sa Iyang pahiuli karon pagpahimugso man sa usang bag-ong tawo pinaagi Niya mismo nga persona aron mapadayag ang Dios (Efe. 2:17-19; Col. 3:4, 10-11); magpadangat sa gingharian sa Dios ug magpabalik ni Cristo, nga Hari, dinhi sa yuta ang usang bag-ong tawo (Bug. 11:15).
- B. Sa usang bag-ong tawo, si Cristo ang tanang bahin ug naa sa tanang bahin; kay si Cristo man ang tanang bahin sa bag-ong tawo, walay purohan, walay luna, sa bisan unsang natural nga tawo (sa bisan unsang kaliwat, nasyonalidad, kultura, o pagkabutang sa katilingban)—Col. 3:10-11:
 1. Bisang unsang klaseha pa ta sa tawo, kon ang usang bag-ong tawo maoy hisgotan, balewala tang tanan; usa ra ang persona sa usang bag-ong tawo—ang malangkobon-sa-tanan nga Cristo—2:17; 3:4, 11; Gal. 6:3.
 2. Naa si Cristo natong tanan nga usa ka persona; busa, usa ra ang persona natong tanan; aron praktikal nga maanaa ang usang bag-ong tawo, wad-on gyod ang kinatibuk-ang persona sa daang tawo, ug magkinabuhi ta pinaagi sa atong bag-ong persona—Rom. 6:6; Gal. 2:20; Efe. 4:22, 24; 3:17a.
- C. Hisgotan gyod nato ang *usang bag-ong tawo* sa Efeso 2:15 uban sa *usa ka baba* sa Roma 15:6 ug *mamulong sa mao ra nga butang* sa 1 Corinto 1:10:
 1. Kaniadto daghan kaayo ang baba kay daghan man kaayo ang persona; ang *hiniusa* ug *sa usa ka baba* (Rom. 15:6) nagpasabot nga bisan pag daghan ta ug namulong ang tanan, “namulong [tang] tanan sa mao ra nga butang” (1 Cor. 1:10).
 2. Bisang daghan ta ug naggikan sa daghang dapit, usa ra ang baba natong tanan ug namulong tang tanan sa mao ra nga butang; tungod kini kay usang bag-ong tawo man tang tanan nga usa ray persona—Efe. 2:15; 4:22-24; 3:17a; Rom. 15:6; 1 Cor. 1:10.
 3. Diha sa usang bag-ong tawo imposible gyod nga maanaay nagkalainlaing pagtulon-an gawas sa bugtong-talagsaong pagtulon-an sa walay kataposang pamatigayon sa Dios kay usa ra man ang atong baba nga mamulong sa mao ra nga butang—1 Tim. 1:3-4; Rom. 15:6; 1 Cor. 1:10.

IV. Mosinati gyod ta sa paghukas sa daang tawo ug pagsul-ob sa bag-ong tawo sa pagpabag-o nato diha sa espiritu sa atong salabotan—Efe. 4:22-24; Rom. 6:6, 4:

- A. Dili gyod ta magkinabuhi segun sa kakawangan sa salabotan kondili segun sa espiritu sa salabotan; kini ang sekreto sa adlaw-adlawng pagkinabuhi sa hiniusang usang bag-ong tawo, ang sekreto nga maanaay iglesiahonong kinabuhi nga napuno sa karakter sa Dios, sa kahumot ni Cristo, ug sa pagkausa sa Espiritu—Efe. 4:3-4, 17-18, 23-24.

- B. Aron mahukas ang daang tawo, dumilian ug ayran gyod nato ang atong daang kaugalingon; ang pagsul-ob sa bag-ong tawo pagkinabuhi ug pagpadako man nato ni Cristo pinaagi sa madagayaong sangkap sa Espiritu ni Jesucristo—vv. 22, 24; Mat. 16:24; Fil. 1:19-21a.
- C. Sa paghigugma nato sa Ginoong ug sa paggamit nato sa atong espiritu sa pag-ampo ug pagbasa sa Pulong adlaw-adlaw, mapuno ang atong salabotan sa nasagol nga espiritu; mousab ug mobag-o kini sa atong salabotan; kanang mabag-o ta sa atong salabotan kana mang makuha ang tanang daang hunahuna kalabot sa mga butang sa kinabuhi sa tawo ug mabag-o pag-usab pinaagi sa pagtulon-an sa Balaang Kasulatan ug sa paghayag sa Espiritu Santo—Sal. 119:105, 130; 2 Tim. 3:15-17; Deut. 17:18-20.
- D. Naa sa atong espiritu ang bag-ong tawo; ang paagi sa pagsul-ob sa bag-ong tawo kana mang mahimong espiritu sa atong salabotan ang atong espiritu (nga nasagol sa Espiritu), diin makaplagan ang Dios, ang puluy-anan sa Dios, ug ang bag-ong tawo—Efe. 2:22; 4:23.
- E. Kanang mahimong espiritu sa atong salabotan ang espiritu nagpasabot nga ang espiritu maoy momandar, mokontrol, modominar, magbuot, ug manag-iyas sa atong salabotan (itandi sa 1 Cor. 2:15-16; 2 Cor. 2:13; 10:4-5); kon ang espiritu ang momandar sa atong salabotan, maanaa sa pagkontrol sa espiritu ang tibuok natong pagkatawo, ug walay luna sa kultura, mga opinyon, o kabalaoran.
- F. Sa nituo ta ni Ginoong Jesus, nisulod ang Espiritung taghatag-og-kinabuhi sa atong espiritu, nga nagdala sa bag-ong tawo nga nahuman na nga produkto; mosurop ug mokaylap gyod ang bag-ong tawo karon sa tanang bahin sa atong pagkatawo; kining pagkaylap mao ang pagsul-ob sa bag-ong tawo ug ang pagbag-o.
- G. Ang bugtong purohan nga matuman ang tuyo sa Dios ning panahona, nga maanaa ang usang bag-ong tawo sa realidad, kana mang mobuot tang tanan nga mabag-o sa espiritu sa atong salabotan; mahimo gyong espiritu sa atong salabotan ang atong espiritu nga nasagol sa Espiritu sa Dios; pinaagi na dayon sa espiritu ang tibuok natong pagkinabuhi, ug uyon na sa espiritu ang bisan unsang buhaton nato (Rom. 8:4); sa gibag-o ta ning espirituha, gisul-ob nato ang bag-ong tawo.
- H. Maggawi gyod ta uyon sa atong nasagol nga espiritu nga nikaylap sa atong salabotan ug nagpuno niini; sa ingon niini maanaa sa espiritu sa salabotan ang adlaw-adlawng paggawi sa bag-ong tawo; kini ang sekreto sa iglesiahonang kinabuhi—Efe. 4:23.

V. Magpabag-o gyod ang mga magtutuo aron masama kabag-o sa Bag-ong Jerusalem kay nagkahimo mang Bag-ong Jerusalem silang tanan sa paggawi nila diha sa kabag-o sa kinabuhi (Rom. 6:4) ug nagtukod sa Bag-ong Jerusalem sa pag-alagad nila diha sa kabag-o sa espiritu (7:6):

- A. Ang pagpabag-o nato diha sa espiritu sa atong salabotan aron man adlaw-adlaw tang matransporma ngadto sa dagway ni Cristo pinaagi sa pag-ut-ot sa atong tawo sa gawas tungod sa pag-antos diha sa atong palibot aron mabag-o ang atong tawo sa sulod—2 Cor. 4:16:
 1. Samtang nag-antos ta, magpabag-o gyod ta; kay kon dili, mawalay pulos kanato ang pag-antos nga atong nasinati; dunay dangpanan sa sulod nato—ang atong espiritu—Sal. 91:1; 27:5; 31:20; Isa. 32:2; 2 Tim. 4:22; Gal. 6:17-18.
 2. Gipahiluna sa Dios ang atong palibot aron anam-anam ug adlaw-adlawng maut-ot ang atong tawo sa gawas ug mabag-o ang atong tawo sa sulod pinaagi sa lunhawng sangkap sa pneumaticong Cristo nga kinabuhi sa pagkabanhaw—2 Cor. 4:16.
- B. Aron mabag-o adlaw-adlaw, kinahanglang madasig ta pag-usab matag buntag—Mat. 13:43; Luc. 1:78-79; Prov. 4:18; Huk. 5:31.
- C. Gibag-o ta adlaw-adlaw pinaagi sa upat ka butang: sa krus (2 Cor. 4:10-12, 16-18); sa Espiritu Santo, nga pinaagi niini giayo ta, gibuhat pag-usab, ug gihulma pag-usab sa diosnong kinabuhi (Tito 3:5); sa atong nasagol nga espiritu (Efe. 4:23); ug sa balaang pulong sa Dios (5:26).

- D. Motambong gyod ta sa talad sa Ginoo diha sa kabag-o (Mat. 26:29); dili gyod modawat ang Ginoo og daang talad; magpabag-o gyod ta pinaagi sa pagkat-on og ingon nga, “gikasubo ko; pasayloa ko.”
- E. Ang pagkabag-o mao ang Dios; busa, ang mabag-o mahimo mang Dios sa kinabuhi ug kinaiya apan dili sa ranggo sa pagka-Dios; bag-o ang Dios hangtod sa hangtod, ug gipatuhop Niya ang Iyang kanunayng-bag-o nga pagkamao sa atong pagkatawo aron mabag-o ang tibuok natong pagkatawo pinaagi sa lunhawng sangkap sa kinabuhi sa pagkabanhaw aron pulihan ang atong kultura ug mahimo tang usang bag-ong tawo sa realidad sa pagkahimo natong sama kabag-o sa Bag-ong Jerusalem—Rom. 12:2; Col. 3:10.